

急救仙方卷之八

例八

疔瘡治法

夫疔瘡之初生也人多不覺生於頭面手足肚脇腰腿間亦無定處一二日必作寒熱如癰頭疼體痛不可忍其痛猶異於尋常之證須去偏身尋認其瘡如有小瘡與常患之瘡稍異即是疔也此瘡得患各有

所因而其形狀亦各不同猪疔形圓而小瘡口內有油○羊疔形長色白○牛疔形圓而小瘡口內無油○狗疔形長或帶尖色赤○驢馬疔其狀三角頂上有黑點根赤△或○

要知此瘡非特猪牛狗羊驢馬之毒所致宿水不潔飲之亦生水疔豆腐中有人汗食之亦生豆腐疔又有氣疔鬼疔形狀雖不一然其治之之法則一也

瘡色按第一日瘡頂胞色小白第二日色大白第三日色微紫第四日色其味瘡色急第五日色微青小緊第六日色深青大緊第七日色黑其狀有如魚鱗又

如灸瘡之狀乃最緊急之候也

瘡證言有應如生一疔之外別處肉上再生一小瘡即是有應可用針挑破護場瘡四圍有赤腫生多瘡多者謂之滿天星飲食如常頭痛身熱手足溫

瘡證山無應別處肉上無瘡不護場疔四圍無赤腫肉疔風渴飲水飲水不進頭眩眼花護床不動臥不起也眼白睛癢不轉唇舌青腹痛甚者有內疔五心腫手足冷氣羸無脉

桃紅散治諸疔瘡雖有凶證速見六脉俱絕死者此藥能主之

蟾酥

信石

蟬蛻

斑猫

蜈蚣

國丹

風化石

朱砂

雄黃

右各製同研為末令極細指爪甲刮葱白皮肉澀調藥先以朱葉針針破瘡口可深半寸九疔瘡必有紅絲路可隨紅絲斜下針如瘡在骨以上可斜向下如在骨下可針斜向上蓋瘡毒喜趨心故下針亦隨毒

氣行也出針後瘡口有惡血須令盡別將蟾酥一粒如麥粒大入在瘡口中用針送令深入却以前葱涎所調藥敷瘡口莫敷在好肉上用冷水浸濕紙二三十重貼在藥上封固瘡上如清早封固至晚覺瘡

口熱即去紙水洗去令淨用玉紅散搽瘡口瘡口必有數日舉作疼痛只用玉紅散搽瘡仍日用葱湯洗然疔瘡之證雖危惡但能用針破瘡口入蟾酥在內以桃紅散封固瘡後即可保其回生也至如瘡口癢

作疼痛不可忍可不公憂此非疔毒為害乃是蟾酥在骨作腐爛疔毒故爾痛也可採芙蓉葉桑葉亦可搗敷瘡四圍散其血勿令血潮日夜各換一藥須洗瘡後上藥其瘡安好不日也

若疔瘡初發時必發寒熱身疼此乃毒氣在表當汗而解自沸湯主之老人虛人孕婦不宜汗下止用桃紅散拔毒

自沸湯

白礬

青黛

塚間貼背乾石灰<sup>三</sup>

右件同為細末研至無聲為度打和令勻  
每服三錢并花水半椀調柳條攪千百下  
令勻頓服之厚衣蓋覆良久用葱豉湯入  
醋少許極熱服少助藥力得汗而解

若始不覺是疥瘡不曾以前法出汗過數  
日方覺則寒熱體痛皆罷毒氣入裏矣須  
用利藥使內中毒氣下泄雄黃丸主之

雄黃丸

雄黃 鬱金 各五  
巴豆 半錢去  
心炒黑

一方加信石 一字許不可多用清油

一方加斑蝥 七箇去翅背糯米 以治癩瘰

一方加玄明粉 錢三以治咽喉腫痛喉閉等證

右各研為細末麵糊為丸如菜豆大每服

玉紅散

寒水石 一兩 輕粉 國丹 各少

右件研為細末搽瘡口日夜二洗二換蓋  
蟾酥青桃紅散皆為毒藥故今瘡癩痛用

玉紅散解二藥之毒用二藥散其血則當  
自然安矣

若一時未能辨前項蟾酥桃紅散等藥可  
用李世安一宗治法主之功效尤速

李世安治法

當歸散

當歸尾 二 川芎 乾葛

荆芥穗 烏藥 白芷

川獨活 赤芍藥 升麻 各一

羌活 甘草 防風 各一

枳殼 各半 紅花 蘇木 各二

瘡癩痛者加乳香沒藥白芷 各五

瘡熱不退加筍竹青山梔仁 各少

大便閉加枳殼 一

燥煩加燈心 十 竹茹 一

渴者加天花粉 一

腫者加甘草節降真節 各半

眼暈加川芎白芷荆芥防風

渴而小便閉者加滑石 一

右件咬咀每服五錢燈草十數葉烏豆十

粒水一鍾半煎至八分病在上食後服病  
在下食前服連進取効

若患疥瘡始初不覺不曾用前法出汗過  
數日外證皆罷或在腹脇之間或在胃脘  
之下腫起此乃毒氣入裏所致宜用霹靂  
火治之若服當歸散外證不解者亦急用  
霹靂火發散

霹靂火法

鷄卵石炭火煨過赤用激桶一隻先置竹  
椅一隻於桶內又用一杓置竹椅下令病  
人裸體坐於椅上用荆芥為末調下酸水  
醋一器却置煨石於杓內即用荆芥醋淋  
沃石上火力不可大煨灼人恐病人難禁  
若火力已微汗尚未透可再加火力再沃  
之沃時桶口用衾覆蓋剝用一衾蓋病人  
頭上止留口鼻在外令衾身汗出須要頭  
面皆有汗病即除矣此法絕妙老人虛人  
孕婦不宜汗下可針破瘡口用海馬拔毒  
散煎酒煎着耳服至如毒入裏用霹靂  
火時病人不須入桶止用一小水桶依前

法以杓盛燉石在桶中用醋淋沃令病人側身以腫處覆在桶上四圍用衾被遮護勿令氣泄良久腫處出汗如汗未透可再加火力再沃之須令腫處汗透却不必偏身汗也

若瘡在兩脇間毒氣欲奔心乃危急之證也可急於患處尖上用艾炷灸三五壯仍於灸穴前後針出少血灸瘡四圍有炮起吉無炮凶若瘡生於虛軟不便處不可用針灸者可用松針截法針斷紅絲路如瘡生於兩膊間毒氣欲奔腎者用松針於兩膊紅絲路盡處針斷出血如瘡生頭面上者可於項間絲路盡出針斷出血或各處紅絲路亦有現者亦可以意消詳用松針針之

九用松針者蓋因紅絲路不現無可下手處故用此法於頷下兩脈間兩膊間虛軟處下手針斷毒氣毋令攻心攻腎而已  
松針法  
取向北松枝上葉極硬者須齊作一束扎

令極緊緩以意消靜毒氣所經行虛軟處針之須令出血針時先用酒潤下針處針必小痛令病人稍忍仍用雄黃麝香為末溫酒調一二服與之服之方下針若衣證皆罷毒氣入裏者用前雄黃丸主

之  
若手足厥冷六脈俱絕者此乃毒氣已深氣血為毒氣所併不能流通是以體冷而不現必須用木香流氣飲連進數服氣血流通則脈自回矣然後依法治之萬無一失

海馬拔毒散治疔瘡大勿兼治諸惡瘡發背  
海馬一雙 穿山甲黃土炒 水銀  
硃砂各二錢 雄黃三錢 輕粉一錢  
腦子各少許 麝香各少許  
右件除水銀外各研為末打合入水銀再研至無星針破瘡口點藥入內一日一點神効  
夫內疔之證與外疔之證並同亦發寒熱頭疼體痛但瘡形不現過數日曾背腹腦頭面

手足間或有一處腫起即內疔所發之處急用霹靂火如前不護場汗法於腫處出汗若身體寒熱雖未有腫起但腹痛甚者便須作內疔證用後法治之不可緩也  
用蟾酥一粒病勢重者用二粒置病人舌

上嚙化化後良久用井花水灌漱却用雄黃丸七丸冷茶清吞下得臟腑利數行其病應手而愈  
凡治內疔蟾酥可於取時用桑葉小錢大入蟾酥揉和得所丸如念珠大陰乾

急救仙方卷之八